

Na osnovu člana 25, a u vezi sa članom 29 Statuta Udruženja Asocijacija srednjoškolaca u Bosni i Hercegovini („Udruženje“) od dana 06. 07. 2011. godine, UPRAVNI ODBOR Udruženja je na sastanku UO donio

PRAVILNIK O SARADNJI
na projektu „Socijalni dan 2018“

Član 1.

Pravilnik o saradnji uređuje odnose ASuBiH-a i Partnera na osnovu Prijavnice za učešće u projektu „Socijalni dan 2018“ (u daljem tekstu: Prijavnica), te se definišu prava i obaveze pri realizaciji projekta „Socijalni dan 2018“ (u daljem tekstu: Projekat).

Član 2.

Partner na projektu i ASuBiH realizacijom aktivnosti doprinose poboljšanju prilika za srednjoškolce u svim lokalnim zajednicama, te pružaju srednjoškolcima priliku da implementiraju projekte koji za cilj imaju rješavanje problema u lokalnoj zajednici.

Član 3.

Partner se obavezuje da će obezbijediti mogućnost jednodnevnog volontiranja u svojoj firmi za dogovoren broj srednjoškolaca. ASuBiH se obavezuje da će obezbijediti potreban broj srednjoškolaca koji će jedan dan provesti volontirajući u firmi.

Član 4.

Projekat će se realizirati 19.10.2018.godine (petak), a Partner je obavezan obezbijediti da kroz proces jednodnevnog volontiranja, ASuBiH član/ica ima uvid u način obavljanja poslova na radnom mjestu kao i sve potrebne uslove za volontiranje taj dan. Srednjoškolci/ke, koje će osigurati ASuBiH, će na radno mjesto doći u terminu kada radni dan počinje i tu provesti jedan radni dan.

Član 5.

Partner se obavezuje da će za svakog srednjoškolca koji bude radio u firmi obezbijediti minimalnu dnevnicu od 20,00 KM po učesniku/ci.

Član 6.

Partner se obavezuje da će u roku od 15 dana nakon realizacije Projekta uplatiti dogovoreni iznos po Prijavnici za saradnju na račun ASuBiH-a.

Član 7.

Partner se obavezuje da srednjoškolci u toku jednodnevnog volontiranja neće raditi teške fizičke poslove koji mogu dovesti do zdravstvenih poteškoća ili ozlijeda na radu. Srednjoškolac/ka neće biti omalovažavan/na na funkciji koju bude obavljao/la, niti iskorištavan/na i zlostavljan/na na bilo koji način.

Član 8.

Srednjoškolac/ka (u slučaju maloljetnosti roditelji/zakonski staratelji) će potpisati izjavu kojom se odriču odgovornosti za bilo koje povrede koje se dese na radu. Ukoliko dođe do neke nezgode, srednjoškolac/ka neće tužiti ASuBiH ni Partnera, nego sami preuzimaju odgovornost.

Član 9.

Od srednjoškolaca/srednjoškolke se očekuje da će taj dan provesti što korisnije za firmu, pomoći u realizaciji aktivnosti koje im se povjere i pokazati pristojno ponašanje. Na taj način će srednjoškolci/srednjoškolke dobiti novo radno iskustvo a firma dati priliku srednjoškolcima da na jedan dan osjete kako izgleda radna atmosfera i nauče nove stvari.

Član 10.

ASuBiH se obavezuje da će sva novčana sredstva koja se uplate za realizaciju ovog Projekta, biti iskorištena za kreiranje fonda Socijalnog dana. ASuBiH će ova sredstva koristiti isključivo samo za održavanje projekata srednjoškolaca u lokalnim zajednicama.

ASuBiH neće koristiti ova novčana sredstva za druge potrebe osim onih koje su već ranije navedene, a 20% od cijelokupnog iznosa fonda će ostati za finansiranje pripremnog sastanka koordinatora za Socijalni dan 2019. godine.

Član 11.

ASuBiH neće podržavati projekte kojima će se finansirati kupovina opreme koja ostaje u trajnom vlasništvu, niti plaćanje honorara za srednjoškolce koji će provoditi aktivnosti u lokalnim zajednicama. Finansirat će se isključivo aktivnosti koje dovode do promjene stanja i rješavanje problema u lokalnoj zajednici.

Član 12.

ASuBiH će promovisati Partnera na društvenim mrežama putem svoje web stranice www.asubih.ba i putem svih medijskih gostovanja.

Partner može promovisati u medijima da saraduju na projektu Socijalni dan 2018 i da su srednjoškolcima omogućili jednodnevno volontiranje.

Član 13.

ASuBiH se obavezuje da će nakon završetka Projekta napraviti brošuru i predstaviti firme koje su dale doprinos realizaciji projekta, te istu promovisati u javnosti.

Član 14.

ASuBiH će biti odgovoran za trošenje prikupljenih sredstava, a donatori će imati priliku uvida u trošenje sredstava.

Član 15.

Saradnja na projektu se ostvaruje potpisivanjem Prijavnice od strane odgovornog lica ispred Partnera. Prijavnica se ispunjava u 2 (dva) istovjetna primjerka od kojih jedan ide Partneru, a drugi zadržava ASuBiH.

Član 16.

Pravilnik stupa na snagu sa danom donošenja od strane Upravnog odbora organizacije.

Član 17.

Izmjene i dopune ovog Pravilnika donose se na način i u postupku u kojem je donesen i ovaj Pravilnik.

U Sarajevu, 23.07.2018.

Predsjednica Udruženja

Valerija Blagojević